

Հաստատված է՝
Հայաստանի Հանրապետության
փաստաբանների պալատի խորհրդի
26.12.2013թ. թիվ 33/3-Լ որոշմամբ
խորհրդի նախագահ
_____ Արա Զոհրաբյան

**ԴԱՏԱՐԱՆՆԵՐԻ ԿՈՂՄԻՑ ԴԱՏԱԿԱՆ ԾԱԽՍԵՐԻ
ՀԱՏՈՒՑՄԱՆ ՀԵՏ ԿԱՊՎԱԾ
ՓԱՍՏԱԲԱՆԱԿԱՆ ԳՈՐԾՈՒՆԵՈՒԹՅԱՆ ՎՃԱՐՆԵՐԻ
ՄԻՋԻՆ ԳՆԱՑՈՒՑԱԿ**

I. ԸՆԴՀԱՆՈՒՐ ԴՐՈՒՑԹՆԵՐ

1. Սույն գնացուցակը որոշվել է «Փաստաբանության մասին» Հայաստանի Հանրապետության օրենքի 6-րդ հոդվածի 5-րդ մասի համաձայն և կարող է օգտագործվել միայն դատարանների կողմից՝ դատական ծախսերի մեջ ներառող փաստաբանի խելամիտ (ողջամիտ) վարձատրությունը որոշելու նպատակով:
2. Դատական ծախսերի մեջ ներառող փաստաբանի վարձատրությունը որոշվում է հաշվի առնելով վստահորդի և փաստաբանի կամ փաստաբանական կազմակերպության միջև կնքված պայմանագիրը (պայմանագրի պատճենը)՝ անկախ վճարման փաստից:
3. Վարչական կամ քաղաքացիական գործերով դատարանը կարող է փաստաբանական ծառայություն մատուցելու վերաբերյալ պայմանագրում նշված արժեքը հիմք չընդունել, եթե այն գերազանցում է սույն գնացուցակում նշված արժեքը: Այս դեպքում, որպես փաստաբանի խելամիտ (ողջամիտ) վարձատրության չափ հիմք է ընդունվում սույն գնացուցակում նշված սակագիրը:
4. Սույն գնացուցակում օգտագործված բազային տուրքը սահմանվում է 1.000 (հազար) ՀՀ դրամ:

II. Բաժին

Առաջին ատյանի կանոններով քննվող գործերով

1. ՔԱՂԱՔԱՑԻԱԿԱՆ ԴԱՏԱՎԱՐՈՒԹՅԱՆ ԿԱՐԳՈՎ ԳՈՒՅՔԱՅԻՆ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅՈՒՆԸ

Ա. Գույքային պահանջներ

<i>N</i>	<i>հայցի առարկան</i>	<i>հոնորարի չափ</i>
1.	Գումարի բռնագանձումը, ներառյալ՝ ՀՀ Կենտրոնական բանկի կողմից սահմանված բանկային տոկոսի հիման վրա հաշվարկված տոկոսների բռնագանձումը	բռնագանձման ենթակա գումարի 5%-ի չափով, բայց ոչ պակաս բազային տուրքի 100-ապատիկի չափից և ոչ ավել բազային տուրքի 3.000-ապատիկի չափից
2.	վնասը և բաց թողնված օգուտը հատուցելը, ներառյալ՝ ա) կյանքին և առողջությանը պատճառված վնասը հատուցելը, բ) ապրանքների, աշխատանքների կամ ծառայությունների թերությունների հետևանքով պատճառված վնասը հատուցելը, գ) հանցագործությամբ պատճառված վնասը հատուցելը, դ) վարչարարությամբ պատճառված վնասը հատուցելը	բռնագանձման ենթակա գումարի 5%-ի չափով, բայց ոչ պակաս բազային տուրքի 100-ապատիկի չափից
3.	հարկադիր պարապուրդի գումարը հատուցելը	բռնագանձման ենթակա գումարի 5 %-ի չափով, բայց ոչ պակաս բազային տուրքի 100-ապատիկի չափից
4.	չվճարված աշխատավարձի կամ այլ վճարների բռնագանձումը	բռնագանձման ենթակա գումարի 5%-ի չափով, բայց ոչ պակաս բազային տուրքի 100-ապատիկի չափից

Բ. Ոչ գույքային պահանջներ

1. Սեփականության իրավունք

<i>N</i>	<i>հայցի առարկան</i>	<i>հոնորարի չափ</i>
1.	Սեփականության իրավունքի ճանաչում, ներառյալ՝ ձեռքբերման վաղեմության ուժով	բազային տուրքի 300-ապատիկի չափով
2.	սեփականության իրավունքի դադարեցում, ներառյալ՝ գերակա հանրային շահերի դեպքերում պետության և հասարակության կարիքների համար սեփականության օտարում	բազային տուրքի 350-ապատիկի չափով
3.	ընդհանուր սեփականության բաժանում, ներառյալ՝ ընդհանուր սեփականությունից բաժնի առանձնացում	բազային տուրքի 200-ապատիկի չափով
4.	ամուսինների ընդհանուր գույքի բաժանում	բազային տուրքի 150-ապատիկի չափով

2. Օգտագործման իրավունք

<i>N</i>	<i>հայցի առարկան</i>	<i>հոնորարի չափ</i>
1.	Օգտագործման իրավունքի ճանաչում, ներառյալ՝ հարկադիր սերվիտուտ սահմանել	բազային տուրքի 150-ապատիկի չափով
2.	օգտագործման իրավունքի դադարեցում, ներառյալ՝ հատուցմամբ կամ անհատույց բնակելի տարածության օգտագործման իրավունքի դադարեցում և բնակարանից վտարում	բազային տուրքի 150-ապատիկի չափով

3. Տիրապետման իրավունք

<i>N</i>	<i>հայցի առարկան</i>	<i>հոնորարի չափ</i>
1.	Գույքն ուրիշի ապօրինի տիրապետումից ետ վերադարձնելը, ներառյալ՝ ա) բարեխիղճ ձեռք բերողից բ) անբարեխիղճ ձեռք բերողից	բազային տուրքի՝ ա) 200-ապատիկի չափով բ) 300-ապատիկի չափով

2.	տիրապետումից զրկելու հետ չկապված իրավունքների խախտման վերացումը	բազային տուրքի 200-ապատիկի չափով
----	---	----------------------------------

4. Գրավի իրավունք

<i>N</i>	<i>հայցի առարկան</i>	<i>հոնորարի չափ</i>
1.	Գրավի իրավունքից ծագող վեճեր, այդ թվում՝ գրավի պայմանագիրը լուծված համարել	բազային տուրքի 300-ապատիկի չափով

5. Գործարքի անվավերություն

<i>N</i>	<i>հայցի առարկան</i>	<i>հոնորարի չափ</i>
1.	Վիճահարույց գործարքներն անվավեր ճանաչելը, ներառյալ՝ ա) էական նշանակություն ունեցող մոլորության ազդեցության տակ կնքված գործարքները, բ) խաբության, բռնության, սպառնալիքի ազդեցության ներքո, մեկ կողմի ներկայացուցչի մյուս կողմի հետ չարամիտ համաձայնությամբ կամ ծանր հանգամանքների բերումով կնքված գործարքները, գ) իր իրավունակության սահմաններից դուրս եկած իրավաբանական անձի կնքած գործարքները, դ) սահմանափակ գործունակ քաղաքացու կնքած գործարքի անվավերությունը, ե) այլ հիմքով կնքված գործարքները	բազային տուրքի 350-ապատիկի չափով
2.	Առոչինչ գործարքի անվավերության հետևանք կիրառել, ներառյալ՝ ա) կեղծ և շինծու գործարքների, բ) անգործունակ անձի կողմից կնքված գործարքի, գ) նոտարական ձևը չպահպանելու վերաբերյալ գործարքների, դ) պետական գրանցման պահանջը չպահպանելու վերաբերյալ գործարքների,	բազային տուրքի 350-ապատիկի չափով

	ե) այլ հիմքով կնքված գործարքների	
3.	գործարքը վավեր ճանաչելը	բազային տուրքի 200-ապատիկի չափով

6. Պայմանագրի հետ կապված գործողություններ

<i>N</i>	<i>հայցի առարկան</i>	<i>հոնորարի չափ</i>
1.	Պայմանագիր կնքել պարտավորեցնելը	բազային տուրքի 300-ապատիկի չափով
2.	պայմանագիրը փոփոխելը և լուծելը	բազային տուրքի 200-ապատիկի չափով

7. Ժառանգության իրավունք

<i>N</i>	<i>հայցի առարկան</i>	<i>հոնորարի չափ</i>
1.	Կտակն անվավեր ճանաչելը	բազային տուրքի 300-ապատիկի չափով
2.	անարժան ժառանգին մեկուսացնելը	բազային տուրքի 200-ապատիկի չափով
3.	ժառանգությունը բաժանելը	բազային տուրքի 300-ապատիկի չափով
4.	գույքն անժառանգ ճանաչելը	բազային տուրքի 200-ապատիկի չափով
5.	ժառանգությունն ընդունած ժառանգ ճանաչելը և ժառանգության հետ կապված այլ պահանջը	բազային տուրքի 200-ապատիկի չափով

8. Ամուսնա-ընտանեկան իրավահարաբերություններ

<i>N</i>	<i>հայցի առարկան</i>	<i>հոնորարի չափ</i>
1.	Ամուսնությունը լուծելը	բազային տուրքի 100-ապատիկի չափով
2.	ալիմենտ պահանջելը	բազային տուրքի 150-ապատիկի չափով
3.	ալիմենտի չափը փոփոխելը	բազային տուրքի 100-ապատիկի չափով
4.	ծնողական իրավունքից զրկելը կամ սահմանափակելը	բազային տուրքի 300-ապատիկի չափով
5.	ծնողական իրավունքը վերականգնելը	բազային տուրքի 200-ապատիկի չափով
6.	հայրությունը ճանաչելը	բազային տուրքի 200-ապատիկի չափով
7.	երեխայի բնակության վայրը որոշելը	բազային տուրքի 120-ապատիկի չափով
8.	երեխայի հետ տեսակցության կարգ սահմանելը	բազային տուրքի 150-ապատիկի չափով
9.	ամուսնական պայմանագիրը փոփոխելը և լուծելը	բազային տուրքի 180-ապատիկի չափով
10.	ամուսնա-ընտանեկան այլ պահանջը	բազային տուրքի 80-ապատիկի չափով

9. Մտավոր սեփականության իրավունք

<i>N</i>	<i>հայցի առարկան</i>	<i>հոնորարի չափ</i>
1.	Մտավոր սեփականության օբյեկտների նկատմամբ իրավունքների պաշտպանությունը, ներառյալ՝ ա) գյուտի, օգտակար մոդելի, արդյունաբերական նմուշի նկատմամբ իրավունքը, բ) ինտեգրալ միկրոսխեմաների տոպոլոգիաների նկատմամբ իրավունքը, գ) ֆիրմային անվանումը, դ) ապրանքային նշանը, ե) ապրանքի ծագման տեղանունը	բազային տուրքի 350-ապատիկի չափով
2.	լիցենզային պայմանագրի լուծումը, փոփոխումը և անվավեր ճանաչելը	բազային տուրքի 200-ապատիկի չափով
3.	մտավոր գործունեության արդյունքներ ստեղծելու և օգտագործելու պայմանագրի լուծումը, փոփոխումը և անվավեր ճանաչելը	բազային տուրքի 200-ապատիկի չափով
4.	հեղինակային իրավունքի և հարակից իրավունքների պաշտպանությունը, ներառյալ՝ ա) հեղինակային պայմանագիրը, բ) համահեղինակությունը, գ) կատարման իրավունքը, դ) ձայնագրման և տեսագրման իրավունքը, ե) հեռարձակելու իրավունքը	բազային տուրքի 250-ապատիկի չափով

10. Աշխատանքային իրավունք

<i>N</i>	<i>հայցի առարկան</i>	<i>հոնորարի չափ</i>
1.	Աշխատանքային պայմանագիրն անվավեր ճանաչելը կամ լուծելը	բազային տուրքի 200-ապատիկի չափով
2.	աշխատանքում վերականգնելը	բազային տուրքի 200-ապատիկի չափով

3.	գործադուլն անօրինական ճանաչելը	բազային տուրքի 100-ապատիկի չափով
4.	աշխատանքային վեճով այլ պահանջը	բազային տուրքի 100-ապատիկի չափով

11. Իրավաբանական անձինք

<i>N</i>	<i>հայցի առարկան</i>	<i>հոնորարի չափ</i>
1.	կորպորատիվ վեճերը՝ ա/ կառավարման մարմինների որոշումն անվավեր ճանաչելը. բ/ փաստաթղթեր տրամադրելը և/կամ աուդիտ իրականացնելը պարտավորեցնելը գ/ մասնակիցների/բաժնետերերի այլ իրավունքների պաշտպանությունը	 ա/ բազային տուրքի 500 ապատիկի չափով բ/ բազային տուրքի 300 ապատիկի չափով գ/ բազային տուրքի 300 ապատիկի չափով
2.	իրավաբանական անձին կամ անհատ ձեռնարկատիրոջը կամ ֆիզիկական անձին սնանկ ճանաչելը	բազային տուրքի 150-ապատիկի չափով

12. Պարտավորական իրավունք

<i>N</i>	<i>հայցի առարկան</i>	<i>հոնորարի չափ</i>
1.	Պայմանագրային պարտավորություններից ծագած վեճերի քննությունը, ներառյալ՝ պարտավորությունը բնեղենով կատարելը	բազային տուրքի 300-ապատիկի չափով
2.	արտապայմանագրային պարտավորություններից ծագած վեճերի քննությունը	բազային տուրքի 250-ապատիկի չափով
3.	միակողմանի գործողություններից ծագող պարտավորություններից ծագած վեճերի քննությունը, ներառյալ՝ ա) պարզև վճարելու հրապարակային խոստումը,	բազային տուրքի 200-ապատիկի չափով

	բ) հրապարակային մրցույթը, գ) առանց հանձնարարության, ի շահ ուրիշի գործողությունները	
--	---	--

Գ. Անձնական ոչ գույքային պահանջներ

<i>N</i>	<i>հայցի առարկան</i>	<i>հոնորարի չափ</i>
1.	Պատվի և արժանապատվության պաշտպանությունը	բազային տուրքի 200-ապատիկի չափով
2.	գործարար համբավի պաշտպանությունը	բազային տուրքի 300-ապատիկի չափով

2. ՎԱՐՉԱԿԱՆ ԴԱՏԱՎԱՐՈՒԹՅԱՆ ԿԱՐԳՈՎ ԳՈՒՅՔԱՅԻՆ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅՈՒՆԸ

Հայցային վարույթի գործեր

<i>N</i>	<i>հայցի առարկան</i>	<i>հոնորարի չափ</i>
1.	Միջամտող վարչական ակտը վերացնելը (անվավեր ճանաչելը) կամ փոփոխելը, բացառությամբ ճանապարհային ոստիկանության կողմից կայացված տուգանքի վարչական ակտերի	վարչական ակտով նախատեսված գումարի (տուգանքի, տույժի և այլն) 5 տոկոսի չափով, բայց ոչ պակաս բազային տուրքի 100-ապատիկի չափից և ոչ ավել բազային տուրքի 2000-ապատիկի չափից, իսկ եթե միջամտող վարչական ակտով տուգանք նախատեսված չէ՝ բազային տուրքի 200-ապատիկի չափով
2.	ճանապարհային ոստիկանության կողմից կայացված տուգանքի վարչական ակտը վերացնելը (անվավեր ճանաչելը) կամ	վարչական ակտով նախատեսված գումարի

	փոփոխելը	(տուգանքի, տույժի և այլն) 5 տոկոսի չափով, բայց ոչ պակաս բազային տուրքի 50-ապատիկի չափից
3.	բարենպաստ վարչական ակտ ընդունել պարտավորեցնելը, ներառյալ՝ որոշում կայացնելը	բազային տուրքի 250-ապատիկի չափով
4.	որոշակի գործողություններ կատարելը կամ վարչական ակտի ընդունմանն ուղղված գործողություններից ձեռնպահ մնալը, ներառյալ՝ պետական գրանցում կատարելը	բազային տուրքի 250-ապատիկի չափով
5.	վարչական ակտն առոչինչ ճանաչելը	բազային տուրքի 350-ապատիկի չափով
6.	այլևս իրավաբանական ուժ չունեցող միջամտող վարչական ակտը կամ գործողությունը ոչ իրավաչափ ճանաչելը,	բազային տուրքի 150-ապատիկի չափով
7.	իրավահարաբերության առկայությունը կամ բացակայությունը ճանաչելը	բազային տուրքի 200-ապատիկի չափով

Հատուկ վարույթի գործեր

N	հայցի առարկան	հոնորարի չափ
1.	Նորմատիվ իրավական ակտերի իրավաչափությունը վիճարկելը	բազային տուրքի 500-ապատիկի չափով
2.	ընտրական իրավունքի պաշտպանությունը	բազային տուրքի 200-ապատիկի չափով
3.	դատական կարգով վարչական պատասխանատվության ենթարկելը	բազային տուրքի 200-ապատիկի չափով
4.	նոտարական գործողությունները վիճարկելը	բազային տուրքի 300-ապատիկի չափով

3. ԿԱՏԱՐՈՂԱԿԱՆ ՎԱՐՈՒՅԹ

N	հայցի առարկան	հոնորարի չափ
1	Դատական ակտի կատարումը հետաձգելը կամ տարածամկետելը,	բազային տուրքի 50-ապատիկի չափով
2	դատական ակտի կատարման եղանակը, կարգը փոփոխելը,	բազային տուրքի 50-ապատիկի չափով
3	կատարողական թերթը կատարման ներկայացնելու բաց թողնված ժամկետը վերականգնելը,	բազային տուրքի 50-ապատիկի չափով
4	վճռի շրջադարձ կատարելը,	բազային տուրքի 100-ապատիկի չափով
5	կատարողական թերթը պարզաբանելը	բազային տուրքի 50-ապատիկի չափով

III. Բաժին

Վարձատրության չափի սահմանումը ժամավճարով

1. Այն դեպքում, երբ համապատասխան գործը նախատեսված չէ սույն գնացուցակի II բաժնում, ապա դատական ծախսերի մեջ ներառող փաստաբանի խելամիտ (ողջամիտ) վարձատրությունը որոշելու նպատակով, դատարանը կարող է կիրառել ժամավճարի ռեժիմը:
2. Սույն բաժնում նշված կարգով փաստաբանի խելամիտ (ողջամիտ) վարձատրությունը որոշելիս 1 (մեկ) ժամի դիմաց փաստաբանի վարձատրությունը գնահատվում է բազային տուրքի քսանապատիկի չափով:

IV. Բաժին

վերաքննության կամ վճռաբեկության կանոններով քննվող գործերով

3. Քաղաքացիական գործերով վերաքննիչ ատյանում վերոհիշյալ գների նկատմամբ կիրառվում է 0,8 գործակիցը:
4. Քաղաքացիական գործերով վճռաբեկ ատյանում վերոհիշյալ գների նկատմամբ կիրառվում է 0,8 գործակիցը:
5. Վարչական գործերով վերաքննիչ ատյանում վերոհիշյալ գների նկատմամբ կիրառվում է 0,8 գործակիցը:

6. Վարչական գործերով վճռաբեկ աստյանում վերոհիշյալ գների նկատմամբ կիրառվում է 0,8 գործակիցը:

V. Բաժին Եզրափակիչ դրույթներ

1. Սույն գնացուցակը չի կարող սահմանափակել փաստաբանների կողմից իրենց կամքով պայմանագիր կնքելու և դրա պայմանները որոշելու ազատությունը:
2. Սույն գնացուցակը չի կարող օգտագործվել այլ նպատակներով, ներառյալ հարկային մարմինների կողմից փաստաբանների ծառայությունների գները համեմատելու նպատակով:
3. Կախված գործի բարդությունից և տևողությունից, դատարանները կարող են վերոհիշյալ գների նկատմամբ կիրառել 1,5 գործակիցը:
4. Մի քանի փոխկապակցված պահանջների դեպքում կարող է կիրառվել 1 գործակից հիմնական պահանջի նկատմամբ և 0,3 գործակից ավանցյալ պահանջներից յուրաքանչյուրի համար:
5. Հայաստանի Հանրապետության հեռավոր սահմանամերձ բնակավայրերում դատարանները կարող են վերոհիշյալ գների նկատմամբ կիրառել 0,5 գործակիցը:
6. Սույն գնացուցակը կարող է փոփոխվել կամ լրացվել Հայաստանի Հանրապետության փաստաբանների պալատի խորհրդի որոշմամբ:
7. Սույն գնացուցակն ուժի մեջ է մտնում 2014 թվականի հունվարի 1-ից և գործում է անժամկետ: